



Møteprotokoll for Formannskapet

Møtedato: 16.02.2016
Møtestad: Strilatun
Møtetid: 10:00 – 13.00

Frammøtte medlemmer	Parti	Rolle
Karstein Totland	H	Ordfører
Torill Torsvik Størkersen	AP	Varaordfører
Frode Langhelle	H	Medlem
Siri Tangedal Kratzmeier	Krf	Medlem
Geir Egil Haugsvær	Sp	Medlem

Følgjande frå administrasjonen møtte:

Rådmann Svein Helge Hofslundsengen, ass. rådmann Sveinung Toft og konsulent Maud Sleire Holmaas som førte møteboka

Sakliste

Saknr	Tittel
010/2016	Godkjenning av innkalling og sakliste
011/2016	Godkjenning av møtebok
012/2016	Klage på avslag - søknad om dispensasjon - utviding av AK 11 Duesund
013/2016	Søknad om dispensasjon frå gjeldande kommuneplan i sjø - utviding av AK6 til oppdrett tareproduksjon
014/2016	Folkehelseoversikt Masfjorden kommune 2015
015/2016	Melding om oppstart av Temadelplan rehabilitering og habilitering 2016 - 2026
016/2016	Melding om oppstart av Temadelplan psykisk helse og rus 2016 - 2026
017/2016	Framlegg til reguleringsplan for utviding av Giljane bustadfelt
018/2016	Oppstart av arbeid med reguleringsplan for deler av Hosteland Aust
019/2016	Oppstart av reguleringsplan for Hostelands vest - kryss Ynnesdalsvegen
020/2016	Høyring - interkommunal nærings- og samfunnsplan for Nordhordland
021/2016	Drøfting planstrategi for Masfjorden kommune 2016 - 2020
022/2016	Unntaksregel for vidareføring av eksisterande sals- og skjenkeløyver i fire nye år
023/2016	Skatteårsrapport 2015
024/2016	Utpeiking av representant til overordna samarbeidsutval for Nordhordland
025/2016	Referatsak
026/2016	Medlemskap i Gulen og Masfjorden Næringshage
027/2016	Val av høyringsform - kommunereform

010/2016: Godkjenning av innkalling og sakliste

Rådmannen sitt framlegg:

Innkalling og sakliste vert godkjend

16.02.2016 FORMANNSKAPET

Framlegg til vedtak vart samrøystes vedteke.

FS - 010/2016 VEDTAK:

Innkalling og sakliste vert godkjend

011/2016: Godkjenning av møtebok

Rådmannen sitt framlegg:

Møtebok vert godkjend.

16.02.2016 FORMANNSKAPET

Framlegg til vedtak vart samrøystes vedteke.

FS - 011/2016 VEDTAK:

Møtebok frå formannskapet 19.01.16 vert godkjend.

012/2016: Klage på avslag - søknad om dispensasjon - utviding av AK 11 Duesund

Rådmannen sitt framlegg:

Framlegg til vedtak:

I medhald av pbl §19-2 vert søknaden om å dispensera frå arealdelen til kommuneplanen om å utvida AK 11 med ca 170 m i sørvestleg retning, ikkje godkjend.

Grunngjeving

Masfjorden kommune har mottatt klage på formannskapsvedtak nr 094/2015, kommunen ser ikkje att det er kome nye moment til å gje dispensasjon til utviding av AK 11.

19.01.2016 FORMANNSKAPET

Ordførar Karstein Totland orienterte om saka.

Saka vart drøfta.

Saka vart utsett til neste formannskapsmøte (10. februar)

FS - 003/2016 VEDTAK:

Saka vart utsett til neste formannskapsmøte (10. februar)

16.02.2016 FORMANNSKAPET

Ordførar Karstein Totland orienterte om saka.

Saka vart drøfta.

Frode Langhelle, H, la fram nytt framlegg til vedtak:

Masfjorden kommune tek klagen frå Engesund Fiskeoppdrett til følgje, og gjev i medhald av plan- og bygningslova sin § 19-2 dispensasjon for å utvida AK11 ca. 170 meter i sørvestleg retning som omsøkt.

Grunngjevinga for å gje dispensasjon i medhald av § 19-2 er at fordelane etter ei samla vurdering er klart større enn ulempene. Det er fordi ei utviding som omsøkt ikkje vil medføra uheldige konsekvensar for natur, fiske, ferdsel eller friluftslivet i området. For å underbyggja dette vil ein vise til følgjande fakta:

- Brev frå Fiskeridirektoratet som skriv at ei utviding av anlegget lenger ut frå land ikkje vil få vesentlege konsekvensar for utøving av fiske, og at det ikkje er registrert særskilt fiskeområde her.

- Rapporten frå Rådgivande Biologer som skriv at ei utviding ikkje vil medføre negative verknader for naturmiljøet eller for andre samfunnsinteresser, og at korkje førekomstar av raudlisteartar, prioriterte naturtypar eller det generelle artsmangfaldet vil bli meir påverka ved ei utviding frå land. Anlegget har i dag generelt liten verknad på botntilhøva under anlegget.
- Ei utviding ut frå land vil ikkje påverka strandsona innanfor. Eit utvida og større anlegg vil kunna medføre betre fiskevelferd og difor kunna redusere faren for spreining av fiskesjukdomar til miljøet.
- Ei utviding som omsøkt vil i liten grad koma i konflikt med båtferdsel i sjøområdet rundt, sidan all småbåttrafikk kan gå på innsida langs land som før, og hovudleia innover Masfjorden vert ikkje berørt.
- I tillegg vil ein dispensasjon for omsøkt utviding kunna opna for at det kan etablerast ein grøn konsesjon på denne staden, og det kan medføre at eksisterande anlegg også kan drivast på ein miljøvenleg og framtidsretta måte. Ved å gje dispensasjon legg ein og grunnlaget for det grøne skiftet som er naudsynt for å oppretthalda vekst og sysselsetting i Nordhordland.

Røysting:

Framlegg til vedtak frå rådmannen og framlegg frå Høgre vart røysta mot kvarandre.

Framlegg til vedtak frå Høgre vart vedteke med 4 mot 1 røyst (Ap).

FS - 012/2016 VEDTAK:

Masfjorden kommune tek klagen frå Engesund Fiskeoppdrett til følgje, og gjev i medhald av plan- og bygningslova sin § 19-2 dispensasjon for å utvida AK11 ca. 170 meter i sørvestleg retning som omsøkt.

Grunngjevinga for å gje dispensasjon i medhald av § 19-2 er at fordelane etter ei samla vurdering er klart større enn ulempene. Det er fordi ei utviding som omsøkt ikkje vil medføre uheldige konsekvensar for natur, fiske, ferdsel eller friluftslivet i området. For å underbyggja dette vil ein vise til følgjande fakta:

- Brev frå Fiskeridirektoratet som skriv at ei utviding av anlegget lenger ut frå land ikkje vil få vesentlege konsekvensar for utøving av fiske, og at det ikkje er registrert særskilt fiskeområde her.
- Rapporten frå Rådgivande Biologer som skriv at ei utviding ikkje vil medføre negative verknader for naturmiljøet eller for andre samfunnsinteresser, og at korkje førekomstar av raudlisteartar, prioriterte naturtypar eller det generelle artsmangfaldet vil bli meir påverka ved ei utviding frå land. Anlegget har i dag generelt liten verknad på botntilhøva under anlegget.
- Ei utviding ut frå land vil ikkje påverka strandsona innanfor. Eit utvida og større anlegg vil kunna medføre betre fiskevelferd og difor kunna redusere faren for spreining av fiskesjukdomar til miljøet.

- Ei utviding som omsøkt vil i liten grad koma i konflikt med båtferdsel i sjøområdet rundt, sidan all småbåttrafikk kan gå på innsida langs land som før, og hovudleia innover Masfjorden vert ikkje berørt.
 - I tillegg vil ein dispensasjon for omsøkt utviding kunna opna for at det kan etablerast ein grøn konsesjon på denne staden, og det kan medføra at eksisterande anlegg også kan drivast på ein miljøvenleg og framtidsretta måte. Ved å gje dispensasjon legg ein og grunnlaget for det grøne skiftet som er naudsynt for å oppretthalda vekst og sysselsetting i Nordhordland.
-

013/2016: Søknad om dispensasjon frå gjeldande kommuneplan i sjø - utviding av AK6 til oppdrett tareproduksjon

Rådmannen sitt framlegg:

Framlegg til vedtak:

I medhald av pbl §19-2 vert søknaden om å dispensera inntil 5 år frå føremålet bruk og vern av sjø og vassdrag med tilhøyrande strandsone i arealdelen til kommuneplanen, om å utvida AK 6 med 10 ha, ikkje godkjend.

Grunngjeving

AK 6 ved Laberget vart godkjend i samband med handsaminga av gjeldande kommuneplan. Dersom ein no utvidar området utan brei informasjon til medverknad, for å etablere eit større oppdrettsanlegg, er det ikkje i samsvar med plan- og bygningslova, jfr pbl § 11-17.

Heimel:

Plan – og bygningslova §19-2

Kommuneplanen 2012-2024

19.01.2016 FORMANNSKAPET

Ordførar Karstein Totland orienterte om saka.

Saka vart drøfta.

Saka vart utsett til neste formannskapsmøte (10. februar).

FS - 004/2016 VEDTAK:

Saka vart utsett til neste formannskapsmøte (10. februar).

16.02.2016 FORMANNSKAPET

Grethe Adoff frå Norsk Sjømatsenter AS informerte om Samproduksjon tare og laks.

Ordførar Karstein Totland orienterte om saka.

Saka vart drøfta.

Frode Langhelle, **H**, la fram nytt framlegg til vedtak:

I medhald av pbl §19-2 vert søknaden frå Engesund Fiskeoppdrett om å dispensera i inntil 5 år frå føremålet bruk og vern av sjø og vassdrag med tilhøyrande strandsone i arealdelen til kommunedelplanen, som gjeld utviding av AK6 ved Ladberget med 10 ha godkjend.

Dispensasjonen vert gjeve på vilkår om at området skal ryddast og tilbakeførast til fritt sjøområde innan 16.02.2021 om rullering/planlagd revisjon av kommuneplanen sin arealdel ikkje medfører at arealkategorien vert endra til akvakultur.

Grunngjevinga for å gje dispensasjon i medhald av § 19-2 er at fordelane etter ei samla vurdering er større enn ulempene. Omsøkt utviding sørover vil ikkje medføra særlege konsekvensar for natur, fiske, ferdsel eller friluftslivet i området. For å underbyggja dette vil ein vise til følgjande fakta:

- Ei utviding som omsøkt vil i liten grad koma i konflikt med båtferdsel i sjøområdet rundt, sidan småbåttrafikken kan gå på innsida langs land som før, og båttrafikken innover Fensfjorden vert ikkje berørt. Det vert her vist til brev frå Kystverket av 06.01.2016.
- Utvidinga vil ikkje verta vesentleg til hinder for fiske, og det er ikkje registrert særskilde fiskeinteresser i sjøområdet der tareproduksjonen er planlagt. Det vert vist til brev frå Fiskeridirektoratet.
- Anlegget vil ikkje påverka kjende raudlisteartar, prioriterte naturtypar eller det generelle artsmangfaldet i området.
- Omsøkt utviding vil kunna opna for at det kan etablerast ein FOU-konsesjon for ei framtidretta og miljøvenleg tareproduksjon på denne staden. Ved å gje dispensasjon for eit FOU-prosjekt legg ein difor til rette for å utvikla ei ny maritim næring på Vestlandet.
- Sidan søknaden om dispensasjon vert tidsavgrensa til inntil 5 år , vert tiltaket sett på som reversibelt. I samband med seinare rullering/revisjon av kommuneplanen sin arealdel skal bruken av området vurderast særskilt.

Røysting:

Framlegg til vedtak frå rådmannen og framlegg frå Høgre vart røysta mot kvarandre.

Framlegg til vedtak frå rådmannen vart vedteke med 3 (Sp, KrF, Ap) mot 2 røyst (H).

FS - 013/2016 VEDTAK:

Framlegg til vedtak:

I medhald av pbl §19-2 vert søknaden om å dispensera inntil 5 år frå føremålet bruk og vern av sjø og vassdrag med tilhøyrande strandsone i arealdelen til kommuneplanen, om å utvida AK 6 med 10 ha, ikkje godkjend.

Grunngjeving

AK 6 ved Laberget vart godkjend i samband med handsaminga av gjeldande kommuneplan. Dersom ein no utvidar området utan brei informasjon til medverknad, for å etablere eit større

oppdrettsanlegg, er det ikkje i samsvar med plan- og bygningslova, jfr pbl § 11-17.

Heimel:

Plan – og bygningslova §19-2

Kommuneplanen 2012-2024

014/2016: Folkehelseoversikt Masfjorden kommune 2015

Rådmannen sitt framlegg:

Rådmann tilrår at folkehelseoversikt blir tatt til vitring.

16.02.2016 FORMANNSKAPET

Ordfører Karstein Totland orienterte om saka.

Saka vart drøfta.

Røysting:

Framlegg til vedtak frå rådmannen vart samrøystes vedteke.

FS - 014/2016 VEDTAK:

Folkehelseoversikt vert tatt til vitring.

015/2016: Melding om oppstart av Temadelplan rehabilitering og habilitering 2016 - 2026

Rådmannen sitt framlegg:

Masfjorden kommunen utarbeidar Temadelplan for rehabilitering og habilitering 2016 – 2026. Planen skal utarbeidast etter lov og forskrift, og vere i samsvar med overordna planverk i kommunen.

16.02.2016 FORMANNSKAPET

Ordførar Karstein Totland orienterte om saka.

Røysting:

Framlegg til vedtak frå rådmannen vart samrøystes vedteke.

FS - 015/2016 VEDTAK:

Masfjorden kommunen utarbeidar Temadelplan for rehabilitering og habilitering 2016 – 2026. Planen skal utarbeidast etter lov og forskrift, og vere i samsvar med overordna planverk i kommunen.

016/2016: Melding om oppstart av Temadelplan psykisk helse og rus 2016 - 2026

Rådmannen sitt framlegg:

Masfjorden kommunen utarbeidar temadelplan for psykisk helse og rus 2016 – 2020. Planen skal utarbeidast etter lov og forskrift, og vere i trå med overordna planverk i kommunen.

16.02.2016 FORMANNSKAPET

Ordførar Karstein Totland orienterte om saka.

Røysting:

Framlegg til vedtak frå rådmannen vart samrøystes vedteke.

FS - 016/2016 VEDTAK:

Masfjorden kommunen utarbeidar temadelplan for psykisk helse og rus 2016 – 2020. Planen skal utarbeidast etter lov og forskrift, og vere i trå med overordna planverk i kommunen.

017/2016: Framlegg til reguleringsplan for utviding av Giljane bustadfelt

Rådmannen sitt framlegg:

Reguleringsplan for utviding av Giljane bustadfelt vert godkjent i medhald av plan- og bygningslova sin § 12-12.

Det vert vist til plankart dagsett 13.11.2015 og føresegner dagsett 29.01.2016.

16.02.2016 FORMANNSKAPET

Ordførar Karstein Totland orienterte om saka.

Saka vart drøfta.

Røysting:

Framlegg til vedtak frå rådmannen vart samrøystes vedteke.

FS - 017/2016 VEDTAK:

Reguleringsplan for utviding av Giljane bustadfelt vert godkjent i medhald av plan- og bygningslova sin § 12-12.

Det vert vist til plankart dagsett 13.11.2015 og føresegner dagsett 29.01.2016.

018/2016: Oppstart av arbeid med reguleringsplan for deler av Hosteland Aust

Rådmannen sitt framlegg:

Masfjorden kommune startar opp offentleg reguleringsendring i medhald av plan- og bygningslova sin § 12-8, for deler av Hosteland Aust.

Det vert vist til kartutsnitt nedunder som viser planområdet som skal omregulerast.

16.02.2016 FORMANNSKAPET

Ordførar Karstein Totland orienterte om saka.

Saka vart drøfta.

Røysting:

Framlegg til vedtak frå rådmannen vart samrøystes vedteke.

FS - 018/2016 VEDTAK:

Masfjorden kommune startar opp offentleg reguleringsendring i medhald av plan- og bygningslova sin § 12-8, for deler av Hosteland Aust.

Det vert vist til kartutsnitt nedunder som viser planområdet som skal omregulerast.

019/2016: Oppstart av reguleringsplan for Hostelands vest - kryss Ynnesdalsvegen

Rådmannen sitt framlegg:

Det vert vedteke å starta opp offentleg reguleringsplan i medhald av plan- og bygningslova sin § 12-8, for området Hosteland Vest – kryss Ynnesdalsvegen.

Det vert vist til skisse nedunder som viser planomrisset.

16.02.2016 FORMANNSKAPET

Ordførar Karstein Totland orienterte om saka.

Saka vart drøfta.

Røysting:

Framlegg til vedtak frå rådmannen vart samrøystes vedteke.

FS - 019/2016 VEDTAK:

Det vert vedteke å starta opp offentleg reguleringsplan i medhald av plan- og bygningslova sin § 12-8, for området Hosteland Vest – kryss Ynnesdalsvegen.

Det vert vist til skisse nedunder som viser planomrisset.

020/2016: Høyring - interkommunal nærings- og samfunnsplan for Nordhordland

Rådmannen sitt framlegg:

Masfjorden kommune sluttar seg til den interkommunale nærings- og samfunnsplanen for region Nordhordland. Minner om tidlegare uttale, og at alle desse forholda må inngå.

16.02.2016 FORMANNSKAPET

Ordførar Karstein Totland orienterte om saka.

Saka vart drøfta.

Røysting:

Framlegg til vedtak frå rådmannen vart samrøystes vedteke.

FS - 020/2016 VEDTAK:

Masfjorden kommune sluttar seg til den interkommunale nærings- og samfunnsplanen for region Nordhordland. Minner om tidlegare uttale, og at alle desse forholda må inngå.

021/2016: Drøfting planstrategi for Masfjorden kommune 2016 - 2020

Rådmannen sitt framlegg:

Saka vert lagt fram til formannskapet for vidare drøfting.

16.02.2016 FORMANNSKAPET

Ordførar Karstein Totland gjekk kort gjennom saka.

Ass. rådmann Sveinung Toft orienterte om saka.

Saka vart drøfta.

Framlegg til vedtak frå formannskapet:

Planstrategi for Masfjorden kommune 2016-2020 vert lagt ut til høyring.

Røysting:

Framlegg til vedtak frå formannskapet vart samrøystes vedteke.

FS - 021/2016 VEDTAK:

Planstrategi for Masfjorden kommune 2016-2020 vert lagt ut til høyring.

022/2016: Unntaksregel for vidareføring av eksisterande sals- og skjenkeløyver i fire nye år

Rådmannen sitt framlegg:

Masfjorden kommune går inn for å halde fram med noverande ordning der sals- og skjenkestader må søke om nytt løyve for ein ny 4-årsperiode.

16.02.2016 FORMANNSKAPET

Ordførar Karstein Totland orienterte om saka.

Røysting:

Framlegg til vedtak frå rådmannen vart samrøystes vedteke.

FS - 022/2016 VEDTAK:

Masfjorden kommune går inn for å halde fram med noverande ordning der sals- og skjenkestader må søke om nytt løyve for ein ny 4-årsperiode.

023/2016: Skatteårsrapport 2015

Rådmannen sitt framlegg:

Årsrapport for 2015 frå skatteoppkrevjaren vert teken til vitring

16.02.2016 FORMANNSKAPET

Rådmann Svein Helge Hofslundsengen orienterte om saka.

Røysting:

Framlegg til vedtak frå rådmannen vart samrøystes vedteke.

FS - 023/2016 VEDTAK:

Årsrapport for 2015 frå skatteoppkrevjaren vert teken til vitring

024/2016: Utpeiking av representant til overordna samarbeidsutval for Nordhordland

Rådmannen sitt framlegg:

Masfjorden kommune sin faste representant i det overordna samarbeidsutval for Nordhordland vert Helga Ellingsen, og vara repr. Karstein Totland.

16.02.2016 FORMANNSKAPET

Ordførar Karstein Totland orienterte om saka.

Saka vart drøfta.

Rådmann Svein Helge Hofslundsengen la fram nytt framlegg til vedtak:

Masfjorden kommune sin faste representant i det overordna samarbeidsutval for Nordhordland vert Helga Ellingsen, og vara repr. Elin Eikemo.

Røvsting:

Nytt framlegg til vedtak frå rådmannen vart samrøystes vedteke.

FS - 024/2016 VEDTAK:

Masfjorden kommune sin faste representant i det overordna samarbeidsutval for Nordhordland vert Helga Ellingsen, og vara repr. Elin Eikemo.

025/2016: Referatsak

Rådmannen sitt framlegg:

Referatsaker vert tekne til orientering

16.02.2016 FORMANNSKAPET

Referatsaker:

- 1, Godkjenning av Sandnes skule
- 2, Inneklimakartlegging ved Sandnes skule
- 3, Protokoll Nordhordlandsting 1-2016, 28. januar
- 4, Spørsmål om arbeidsgjevaravgift og ulike soner og kommunesamanslåing
- 5, Spørsmål om forslag til nytt inntektssystem og kommunesamanslåing
- 6, Vedr. ny klinikkstrukturplan for tannhelsetenesta i Hordaland 2015 – 2030
- 7, Protokoll - Teknisk utval - 26.01.2016

FS - 025/2016 VEDTAK:

Referatsaker vert tekne til orientering

026/2016: Medlemskap i Gulen og Masfjorden Næringshage

Rådmannen sitt framlegg:

Masfjorden kommune inngår medlemsbedriftsavtale med Gulen og Masfjorden Næringshage.

16.02.2016 FORMANNSKAPET

Ordfører Karstein Totland orienterte om saka.

Røysting:

Framlegg til vedtak frå rådmannen vart samrøystes vedteke.

FS - 026/2016 VEDTAK:

Masfjorden kommune inngår medlemsbedriftsavtale med Gulen og Masfjorden Næringshage.

027/2016: Val av høyringsform - kommunereform

Rådmannen sitt framlegg:

1. Det vert halde rådgjevande folkeavrøysting i spørsmålet om Masfjorden skal slå seg saman med andre kommunar.
2. Folkeavrøystinga vert halden måndag 23. mai 2016.
3. Valstyret/rådmannen får ansvar for den praktiske gjennomføringa av folkeavrøystinga.
4. Røysteretten føl vilkåra for røysterett ved fylkestingsval og kommunestyreval (vallova § 2-2, (1) og (2)). I tillegg har alle som fyller 16 år i løpet av valåret (født i 2000) røysterett så langt dei fyller dei andre vilkåra. Skjæringsdato for borgarar frå anna nordisk land vert sett til 01.01.2016. For å kunne gi røyst må veljaren vere innført i manntalet i Masfjorden kommune.
5. Det skal innhentast manntal som inneheld alle med røysterett pr. 01.01.2016.
6. Det vert delegert til valstyre/rådmann å syte for utsending av valkort og utlegging av manntall i samsvar med vallova § 2-6 og handsame krav om retting i samsvar med vallova §§ 2-7 og 2-8.
7. Valstyret vert delegert mynde til å avgjere endelig utforming av røystesetlar.
8. Det skal leggjast til rette for å førehandsrøyste i perioden 9.05.2016 til 20.05.2016. Førehandsrøystinga følgjer reglane i vallova så lagt det er praktisk mogleg. Rådmannen oppnemner røystemottakarar og legg til rette for førehandsrøysting
9. Valstyret vert delegert fullmakt til å utarbeide prosedyre for postrøysting i same periode som det er opna for førehandsrøysting.
10. Valstyret avgjer kor røystegjevinga på valdagen skal føregå, fastset tider for røystinga og oppnemner røystestyre.
11. Reglane i kapittel 10 i vallova om godkjenning av røystesetlar, oppteljing og protokoll vert lagt til grunn så langt det er relevant.
12. Valstyret utarbeidar prosedyre for å handsame eventuell klage på røystinga, under dette avklare eksternt klageorgan.

16.02.2016 FORMANNSKAPET

Rådmann Svein Helge Hofslundsengen orienterte om saka.

Saka vart drøfta.

Røysting:

Framlegg til vedtak frå rådmannen vart samrøystes vedteke.

FS - 027/2016 VEDTAK:

1. **Det vert halde rådgjevande folkeavrøysting i spørsmålet om Masfjorden skal slå seg saman med andre kommunar.**
2. **Folkeavrøystinga vert halden måndag 23. mai 2016.**
3. **Valstyret/rådmannen får ansvar for den praktiske gjennomføringa av folkeavrøystinga.**
4. **Røysteretten føl vilkåra for røysterett ved fylkestingsval og kommunestyreval (vallova § 2-2, (1) og (2)). I tillegg har alle som fyller 16 år i løpet av valåret (født i 2000)**

røysterett så langt dei fyller dei andre vilkåra. Skjæringsdato for borgarar frå anna nordisk land vert sett til 01.01.2016. For å kunne gi røyst må veljaren vere innført i manntalet i Masfjorden kommune.

5. Det skal innhentast manntal som inneheld alle med røysterett pr. 01.01.2016.
 6. Det vert delegert til valstyre/rådmann å syte for utsending av valkort og utlegging av manntall i samsvar med vallova § 2-6 og handsame krav om retting i samsvar med vallova §§ 2-7 og 2-8.
 7. Valstyret vert delegert mynde til å avgjere endelig utforming av røystesetlar.
 8. Det skal leggjast til rette for å førehandsrøyste i perioden 9.05.2016 til 20.05.2016. Førehandsrøystinga følgjer reglane i vallova så lagt det er praktisk mogleg. Rådmannen oppnemner røystemottakarar og legg til rette for førehandsrøysting
 9. Valstyret vert delegert fullmakt til å utarbeide prosedyre for postrøysting i same periode som det er opna for førehandsrøysting.
 10. Valstyret avgjer kor røystegjevinga på valdagen skal føregå, fastset tider for røystinga og oppnemner røystestyrer.
 11. Reglane i kapittel 10 i vallova om godkjenning av røystesetlar, oppteljing og protokoll vert lagt til grunn så langt det er relevant.
 12. Valstyret utarbeidar prosedyre for å handsame eventuell klage på røystinga, under dette avklare eksternt klageorgan.
-

Rett utskrift av møteprotokoll frå formannskapet den 16.02.16 vert vitna:

Karstein Totland
ordfører

Torill Torsvik Størkersen
varaordfører